

資料9 「書紀」の空白期間の例（神武紀より）

辛酉年春正月庚辰朔、天皇即帝位於橿原宮、是歲爲天皇元年。尊正妃爲皇后、生皇子神八井命・神淳名川耳尊。故古語稱之曰「於畝傍之橿原也、太立宮柱於底磐之根、峻峙搏風於高天之原、而始馭天下之天皇、號曰神日本磐余彥火々出見天皇焉。」初、天皇草創天基之日也、大伴氏之遠祖道臣命、帥大來目部、奉承密策、能以諷歌倒語、掃蕩妖氣。倒語之用、始起乎茲。

二年春二月甲辰朔乙巳、天皇定功行賞。賜道臣命宅地、居于築坂邑、以寵異之。亦使大來目居于畝傍山以西川邊之地、今號來目邑、此其緣也。以珍彥爲倭國造。珍彥、此云于磐毗故。又給弟狛猛田邑、因爲猛田縣主、是菟田主水部遠祖也。弟磯城、名黑速、爲磯城縣主。復以劔根者、爲葛城國造。又、頭八咫鳥亦入賞例、其苗裔即葛野主殿縣主部是也。

四年春二月壬戌朔甲申、詔曰「我皇祖之靈也、自天降鑒、光助朕躬。今諸虜已平、海內無事。可以郊祀天神、用申大孝者也。」乃立靈時於鳥見山中、其地號曰上小野榛原・下小野榛原。用祭皇祖天神焉。

卅有一年夏四月乙酉朔、皇輿巡幸。因登腋上曠間丘而廻望國狀曰「妍哉乎、國之獲矣。妍哉、此云鞅奈珥夜。雖內木錦之眞迩國、猶如蜻蛉之聲咕焉。」由是、始有秋津洲之號也。昔、伊弉諾尊目此國曰「日本者浦安國、細戈千足國、磯輪上秀眞國。秀眞國、此云袍圖莽句爾。」復、大己貴大神目之曰「玉牆內國。」及至饒速日命乘天磐船而翔行太虛也、睨是鄉而降之、故因目之曰「虛空見日本國矣。」

卅有二年春正月壬子朔甲寅、立皇子神淳名川耳尊、爲皇太子。

七十有六年春三月甲午朔甲辰、天皇崩于橿原宮、時年一百廿七歲。明年秋九月乙卯朔丙寅、葬畝傍山東北陵。

神武四年から三十一年まで、四十二年から七十六年までは事績の記述がなく、飛んでいる。

資料：(ネット) [日本書紀、全文検索 https://www.seisaku.bz/shoki\\_index.html](https://www.seisaku.bz/shoki_index.html)